



POST Greenlandip Niuernermi piumasaqaatai  
1. januar 2011-imeersut

***Jetpost***

*(nassiussanut tuaviortunut)*



Niuernermi piumasaqaatit uku Kalaallit Nunaata iluani nassiunneqartunut, Danmarkimut nassiunneqartunut aammalu Danmarkimiit nassiunneqartunut atuupput. Nunat allat sinnerinut Jetpost-inik nassiussisoqarsinnaangilaq.

### 1.1 PINGAARNERSIUINEQ

Jetpost-it timmisartukkut siulliunneqartarput.

### 1.2 POORTUKKAT ANGISSUSISSAAT

Jetpost-it angissutsit taaneqartut qaangersimassanngilaat:

Minnerpaaffissaq: 14 x 9 cm. Poortugaq ammalortutut amilimasutulluunniit isikkoqaruni: takissuseq 10 cm aamma takissuseq + 2 x diameter/portussuseq = 17 cm.

Annerpaaffissaq: takissuseq 150 cm aamma takissuseq + uuttuut takissutsip tungaanut ingerlatinnagu kaajallallunili uuttutigisaq annerpaq = 300 cm. Jetpost-i ammalortutut amilimasutulluunniit isikkoqaruni: takissuseq 150 cm aamma diameter/portussuseq 25 cm.

### 1.3 OQIMAASSUSEQ

Jetpost-i poortuutini ilanngullugu annerpaamik 50 kg-nik oqimaassuseqassaaq.

### 1.4 IMAI

Jetpost makkuninnga imaqaassanngilaq:

- Aningaasat, check-it angalanermi atugassat, allagartaatit, safiugassat erlinnartut, soorlu platin, guulti aamma sölvi, ujaqqat erlinnartut kiisalu pigisat akisuut
- Imarisat ulorianaatillit. Imarisat ulorianaatillit tassaapput akuutissat atortussalluunniit, ilutsimikkut akuutimikkulluunniit inunut, uumasunut, avatangiisinut imaluunniit angallassissutigisanut ulorianaateqarsinnaasut
- "Nassiussat ulorianaatillit POST Greenland aqqutigalugu nassiuteqqusaanngitsut" [www.post.gl-imi](http://www.post.gl-imi) takuneqarsinnaapput aammalu TELE-POST Centerimit ilisimatitsissutigineqartarlutik.
- Imarisat asiujasut
- Nunap immallu uumasui uumasut, tassano pineqarlutik igutsaat, sullerngit sullineqatiminnik ajoqutaasunik akiuisussat (rov-mider), uumasullu allat qimerloqanngitsut
- Imassat, tassani pineqarlutik qaartuujasut qaarneqanngitsut, qaartartut qaarneqanngitsut aammalu patronit
- Nioqqutissiat assilissat peqquserlullunilu allanngortitikkat
- Inuit uumasullu toqungasut timaasa sinnikui
- Imarisat imerpalasumik ilaqarsimappata poortorneqarnerat POST Greenlandimit akuerineqassaaq.

Jetpost-ip imai Danmarkimi akitsuusigassaanersut, taamaappallu malitassat suut tunngavigalugit tamatuma pisinnaanera misissussallugu nassiussisup akisussaaffigaa.

POST Greenlandip pissutsit tamakku misissorneq ajorpai aammalu tamakku pillugit siunnersuisinnaanani, taarsiulluguli innersuussisarluni Danmarkimi TOLD & SKAT-imut.

## 1.5 POORTORNERI

Nassiussisup Jetpost-ip poortorluarneqarsimanissaa akisussaaffigaa, taamaalilluni nalinginnaasumik allakkerinikkut suliarineqarnerani imaasa isumannaatsumik illersorneqarnerat qulakkeerreqarsinnaaq-qullugu, kiisalu Jetpost-ip nassiussanik allanik, POST Greenlandimik allanilluunniit ajoqusiisinaanera pinngitsoortissinnaaqqullugu. POST Greenlandip poortuutip misissornissaa pisussaaffiginngilaa. Jetpost-ip nassiunneqartussatut tunniunneqarnerani POST Greenlandip paasip-pagu nassiussaq isumannaatsumik poortugaasimanngitsaq, POST Greenland naliliinini naapertorlugu Jetpost-imik tigusinissaminik itigartitsinnaatitaavoq imaluunniit nassiussisoq uppernarsaammik atsioqqusinnaallugu, Jetpost nassiussisup akisussaaffigisaanik nassiunneqartoq. Atortut elektroniskiusut, soorlu qarasaasiat, skærminut display-it, fjernsynit, radiot il.il. sananeqarfimminnit poortuutigisaminik pooqassapput. Imarisat qajannartut (soorlu igalaamerngit/marraat) imaluunniit imerpalasut, poortuutissat POST Greenlandip akuersai poortuutigalugit taamaallaat nassiunneqarsinnaapput. Jetpost-it assartorneqarnermik nalaanni immikkut ittumik sianigineqarlutik "nassiussatut mianersuutassatut" nassiunneqarsinnaanngillat. Imai imerpalasumik imaqarsimappata, imerpalasoq silaannarmut ussissumik poortuuteqartinneqassaaq millugussisinnaasumik poortorneqarsimassalluni ajoqusertoqarnerani millussisinnaasumik. Poortornera POST Greenlandimit akuereqartussaavoq.

## 1.6 IMMERSUIFFISSAT

Nassiussisup Jetpost-imut immersuiffissat immikkut ittut atugassarai. Immersuiffissat allakkerivimmi pineqartarput, nassiussisumiillu immer-sorneqassallutik.

## 1.7 ALLAKKERIVIMMUT TUNNIUSSINEQ

Jetpost-it allakkerivimmut tunniunneqassapput.

## 1.8 PIUMASAQARSINNAATITAAFFIK

Nassiussisoq, Jetpost-imik tiguisussatut allassimasumit Jetpost-ip tiguneqarnissaata imaluunniit nalunaarutigineqarnissaata tungaanut, nassiussap utertinnissaanik imaluunniit tiguisussamut allamut tunniunneqarnissaanik piumasaqarsinnaatitaavoq. POST Greenland Jetpost-ip utertinneqartup nassiunneqarnermini akianik utertitsineq ajorpoq. Nassiussisup piumasaqarsinnaatitaaffik atorsimappagu, nassiussap utertinneqarneranut imaluunniit najukkamut nutaamut ingerlasussanngortinneqarneranut akip saniatigut, allanngortitseqqusilluni qinnuteqaammut akiliummik POST Greenland akiliuteqartitsisinnatitaavoq. Akit taamatut ittut akiliuteqartitsinerillu siusinnerpaamik akileqquneqassapput, nassiussaq allakkerivimmit nassitsivigisamut ingerlatinneqareersimappat.

## 1.9 TIGUISUSSAMUT TUNNIUSSINEQ

Jetpost-it illoqarfiup iluani agguaassasat ataasinngornermiit talimannngornermut nal. 08-17 aammalu arfininngornikkut nal. 08-12 agguaanneqartarput. Jetpost-it tiguisussap najugaanut tunniunneqarsinnaanngitsut Aallakkerivimmut aaneqartussanngorlugit tiguisussamut nalunaarutigineqassapput. Jetpost-it poortukkatut nalinginnaasutut utertinneqannginnerminni allakkerivimmi ulluni 14-ni uninngatinneqarsinnaapput.

Jetpost-it postboksimit adressilerneqarsimasut tikitsiaannartut post-boksimit aaneqartussanngorlugit nalunaarutigineqassapput.

Jetpost-it nunaqarfimmut adresseligaasimasut pisiniarfiup ammerata nalaani tunniunneqassapput.

Jetpost-it Danmarkiliartut akitsuuserisunit suliarineqareernerikkut ulloq taanna imaluunniit ulluinnaq tullegg tiguisussamut ingerlanneqassapput. Post Danmark Jetpost-inik ataasinngornermiit tallimanngornermut aatsisarpoq.

### **1.10 NAJUKKAMIT NUUNNEQ**

Jetpost-imik tiguisussap allamut nuunneq POST Greenlandimut nalunaarutigisimappagu, Jetpost-i akeqanngitsumik Kalaallit Nunaata iluani ingerlateqqinneqassaaq. POST Greenland Kalaallit Nunaata avataani najukkanut Jetpost-inik ingerlaqqittussanngortitsineq ajorpoq.

### **1.11 JETPOST-IT APUUNNEQARSINNAANNGITSUT**

Jetpost-it apuunneqarsinnaanngitsut nassiussisumut uterteqqinneqartarput. Jetpost-i Økonomipostpakke-tut (B-post) utertinneqartarpoq nassiussisumut aningaasartuutaanngitsumik. Nassiussisup timmisartukkoortitsinermit tapimik akiliinissaq kissaatigippagu, nassiussaq timmisartukkut utertinneqarsinnaavoq.

### **1.12 ALLAKKERINERMI ISERTUUSSISUSSAANEQ NASSIUSSANILLU AMMAANEQ**

Nassiussisup allakkerivimmik atuineri sumulluunniit tunngasut POST Greenlandip isertuussassarai. Pisuni immikkorluinnaq ittuni Kalaallit Nunaanni ilanngaaserinermit oqartussaasunut kiisalu Kalaallit Nunaanni Politeeqarnermit oqartussaasunut tunngassuteqartuni, POST Greenland taamaattoq paasissutissanik oqartussanut taakkununga tunniussisussanngortinneqarsinnaavoq.

### **1.13 AKIT**

Akit qaqugukkulluunniit atuuttut allattorsimaffiat [www.post.gl](http://www.post.gl)-imi aammalu allakkerivinni takuneqarsinnaapput

### **1.14 AKILIINEQ**

Aki nassiussassamik tunniussinermi aningaasanngorlugu akilerneqassaaq nassitsisoq akiligassarsinissamik allaganngorlugu POST Greenlandimik isumaqatigiissuteqarsimanngippat.

### **1.15 TAARSIISSUTEQARTARNEQ**

POST Greenland Jetpost-ip kinguaattoorneranut taarsiissuteqarneq ajorpoq. POST Greenland Jetpost-inut Kalaallit Nunaanni nassiunneqartunut taamaattoq nassiunnerata akiata ilaanik utertitsisarpoq, kinguaattoorneq POST Greenlandip kukkussutigisimappagu. Utertinneqartut tassaajuarput timmisartukkoortitsinerup aammalu Jetpost-itut nassiunneqartup nassiunnerani akit assigiinngissutaat.

Jetpost-i tammarsimappat imaluunniit ajoqusersimappat, imaluunniit Jetpost-ip imai tamakkiisumik ilaannakortumilluunniit aserorsimap-pata, ajoqusernerannut taarsiisoqassaaq 5.000 kr.-it angullugit angisusilimmik. POST Greenlandili taarsiisussaaneq ajorpoq tammarnera

innarlernaluunniit nassitsisup kukkunerippagu, nassiussap qanoq iluseqarnera, qajannartumik poortorneqarsimappat imaluunniit pissutsit POST Greenlandip ingalassinnaanngisai atuuppata kingunerilu POST Greenlandip pinngitsoortissinnaanagit. Ajoqusernerut takoriaannaanngitsunut taarsiisoqarneq ajorpoq, aammalu taarsii-soqassanani atortut elektroniskiusut nassiunneqarnerminni puus-saviinik poortorneqarsimanngippata. Iluaqutissanut annaasanut, ujariatsinermut, nalikillinerani annaasanut imaluunniit ajoqusernerup toqqaannanngikkaluartumik kingunerisaanut allanut taarsiisoqarneq ajorpoq. Jetpost-i aseroneqartoq pillugu POST Greenlandimut maalaaruteqarneq, imaluunniit Jetpost-ip imaanik tamakkiisumik ilaannakortumilluunniit annaasaqarnermut, ersittumik aserorsimanageranut imaluunniit imaanik tamakkiisumik ilaannakortumilluunniit annaasaqarnermi maalaaruteqarneq, Jetpost-ip tigunerani erngerluni pissaaq. Piffissaliussaq qaangereersoq maalaaruteqaraanni, allamik uppersaatissaqartoqanngippat tunngavigineqassaaq Jetpost nassiunneqarnissaminut tunniunneqarnermini aserorsimanngitsoq imaalu aseqqukuunngitsut. POST Greenland taarsiissusaajunnaartarpoq POST Greenlandimut piunasaqaat Jetpost-ip tiguneraniit qaammatit 12-it qaangiutsinnagit nalunaarutigineqarsimanngippat. POST Greenlandip taarsiisuteqartussaanageranut Inatsisartut POST Greenland pillugu peqqussutaanni nr. 8, 14. november 2004-meersumi malittarisassat aamma atuupput.

Jetpost-ip imaanut poortorneqarsimanissaannullu matumani piunasaqaataasunik malinninnginnerup kingunerisaanik POST Greenlandip annaasaqaatigisaanut tunngatillugu, nassiussisoq pisussaavoq POST Greenland qanoq ittumilluunniit annaasaqatsaalissallugu, tamakku saniatigut Kalaallit Nunaanni eqqartuussiveqarnerup malittarisassai nalinginnaasut malillugit nassiussisoq taarsiissusaatitaavoq.

### **1.16 MAALAAARUTIT**

Nassitsisup tigusissalluunniit POST Greenland Jetpost-imik ingerlassinera pillugu maalaarutiginiaruniuk, maalaarutini najukkami allakkerivimmut tunniussimassavaa nassiussap POST Greenlandimut tunniunneraniit qaammatit 12-it qaangiutsinnagit. Allakkeriviup aalajangerneru POST Greenland, Qullersaqarfik, Postboks 9999, 3900 Nuummuk ingerlatinneqassaaq aalajangiiffigisassatut. POST Greenlandip Qullersaqarfiata aalajangerneru Naalakkersuisunut maalaarutigineqarsinnaavoq. Inatsisartut peqqussutaanni nr. 8, 14. november 2004-meersumi § 40, imm. 3 naapertorlugu aalajangiinerup maalaarutigineqartup tigunerata kingorna sap. ak. sisamat qaangiutsinnagit maalaarutiginnittoqarsinnaavoq.